



Broj: 02-11-2262/25-AP-13
Datum: 27.01.2026. godine

Na osnovu člana 100. stav 3. Zakona o javnim nabavkama („Službeni glasnik BiH“, broj: 39/14,59/22 i 50/24), člana 30. stav 3. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 4/22 i 6/23) i člana 12. Privremene statutarne Odluke Grada Zavidovići („Službeni glasnik općine Zavidovići“, broj: 4/22), u predmetu dodjele ugovora o javnoj nabavci radova „Vodosnadbjevanje prostorne cjeline MZ „Pašin konak“- Hajderovići faza I sa vezom na gradski vodovod Zavidovići-potisni vod V4 i dio gravitacionog voda V5 sa dijelom sekundarne mreže duž vodova“, rješavajući po Žalbi GP„HELDOVAC“ d.o.o ŽEPČE, sa sjedištem u Ljeskovici b.b. Žepče broj:15-32/26 od 23.01.2026. godine, zaprimljena od strane Grada Zavidovići, putem pisarnice dana, 26.01.2026. godine, Gradonačelnica Zavidovića, donosi

R J E Š E N J E

1. Usvaja se žalba GP„HELDOVAC“ d.o.o ŽEPČE, sa sjedištem u Ljeskovici b.b. Žepče izjavljena na Odluku o izboru najpovoljnijeg ponuđača broj 02-11-2262/25-AP-7 od 09.01.2026.godine, u cjelosti kao osnovana.

2. Ovim rješenjem stavlja se van snage donesena Odluku o izboru najpovoljnijeg ponuđača broj 02-11-2262/25-AP-7 od 09.01.2026.godine kojim je prihvaćena ponuda ponuđača GTPD „POROBIĆ“ d.o.o. ZAVIDOVIĆI kao najpovoljnija na osnovu Zapisnika o ocijeni ponuda, broj: 02-11-2262/25-AP-3 od 24.12.2025. godine i poništava se e-aukcija održanu dana, 07.01.2026. godine.

3. Nakon što ovo Rješenje postane konačno, Komisija će izvršiti ponovni pregled ocjenjivanje ponuda, te će se postupak javne nabavke radova okončat u skladu sa odredbama Zakona o javnim nabavkama.

3. Ugovorni organ će u roku od sedam dana od dana donošenja ovog Rješenja dostaviti URŽ-u dokumentaciju radi pokretanja postupka povrata naknade za pokretanje žalbenog postupka.

4. Rješenje stupa na snagu danom donošenja. Objavit će se na web-stranici www.zavidovici.ba, i dostaviti ponuđačima koji su učestvovali u postupku javne nabavke radova „Vodosnadbjevanje prostorne cjeline MZ „Pašin konak“- Hajderovići faza I sa vezom na gradski vodovod Zavidovići-potisni vod V4 i dio gravitacionog voda V5 sa dijelom sekundarne mreže duž vodova“.

O b r a z l o ž e n j e

Odlukom Gradonačelnice broj 02-11-2262/25-AP-2 od 05.11.2025. godine pokrenut je postupak dodjele ugovora za javnu nabavku radovaradova „Vodosnadbjevanje prostorne cjeline MZ „Pašin konak“- Hajderovići faza I sa vezom na gradski vodovod Zavidovići-potisni vod V4 i dio gravitacionog voda V5 sa dijelom sekundarne mreže duž vodova“, putem otvorenog postupka za koji je dana 07.11.2025. godine upućeno Obavještenje o nabavci broj 1374-1-3-250-3-197/25 na objavu u Informacioni sistem „E-nabavke“.

Procijenjena vrijednost javne nabavke radova iznosi 259.264,90 KM bez uračunatog PDV-a.

Na adresu Grada Zavidovići do krajnjeg roka za dostavu ponuda 24.12.2025. godine do 12,00 sati dostavljene su 3 (tri) ponude i to ponude slijedećih ponuđača po prijemu prispjeća:

1. „DŽEVKOMERC INŽENJERING“ d.o.o. ZAVIDOVIĆI; 2. GTPD „POROBIĆ“ d.o.o. ZAVIDOVIĆI i 3. GP „HELDOVAC“ d.o.o. ŽEPČE.

Komisija za javne nabavke zaprimila je pristigle ponude, izvršila njihovo otvaranje, te izvršila pregled i ocjenu ponuda prema zahtjevima i kriterijima iz tenderske dokumentacije o čemu je sačinila Zapisnik o otvaranju ponuda, broj: 02-11-2262/25-AP-2 od 24.12.2025. godine i Zapisnik o ocjeni ponuda, broj: 02-11-2262/25-AP-3 od 24.12.2025. godine.

U postupku javne nabavke utvrđeno je slijedeće: da je ukupno pristiglo 3 (tri) ponude, sve ponude su blagovremeno zaprimljene i sve su formalno ispravne i tehnički zadovoljavajuće.

U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača te ocjenu prispjelih ponuda, u skladu sa kriterijima iz tenderske dokumentacije.

Nakon provedenog postupka e-aukcije, dana 07.01.2026. godine, Komisija za javne nabavke Grada Zavidovića dostavila je Dopunu zapisnika o pregledu i ocjeni ponuda nakon e-aukcije, broj: 02-11-2262/25-AP-4 od 07.01.2026. godine u kojem je izvršila rangiranje ponuđača kako slijedi:

R/br	Naziv/ime ponuđača	Ponuđena cijena bez PDV-a
1.	GTPD „POROBIĆ“ d.o.o. ZAVIDOVIĆI	199.800,00 KM
2.	„DŽEVKOMERC INŽENJERING“ d.o.o. ZAVIDOVIĆI	199.980,00 KM
3.	GP „HELDOVAC“ d.o.o. ŽEPČE	259.049,32 KM

Na osnovu takvog provedenog postupka Ugovorni organ je donio Odluku broj 02-11-2262/25-AP-7 dana, 09.01.2026. godine kojom je ponudu ponuđača GTPD „POROBIĆ“ d.o.o. ZAVIDOVIĆI prihvatio kao najpovoljniju, prema kriteriju za dodjelu ugovora utvrđen kao „najniža cijena“.

Dana, 26.01.2026. godine putem pisarnice Grada Zavidovića zaprimljena je Žalba GP „HELDOVAC“ d.o.o. ŽEPČE, sa sjedištem u Ljeskovici b.b. Žepče, broj:15-32/26 od 23.01.2026. godinja, zaprimljena na pisarnicu ugovornog organa dana, 26.01.2026. godine, izjavljena na Odluku o izboru najpovoljnijeg ponuđača Grada Zavidovića broj 02-11-2262/25-AP-7 od 09.01.2026. godine i Zapisnik o ocjeni ponude broj:02-11-2262/25-AP- od 24.12.2025. godine.

U žalbi se navodi, da je ugovorni organ učinio niz propusta o ocjeni ispravnosti ponuda, odnosno da je prihvaćena ponuda ponuđača „DŽEVKOMERC INŽENJERING“ d.o.o. ZAVIDOVIĆI, kao formalno ispravna i tehnički zadovoljavajuća, iako navedeni ponuđač nije dostavio svu dokumentaciju zahtjevanu tenderderskom dokumentacijom. Nadalje, između ostalog, u tački I. žalbe žalitelj ističe:

- da ponuđač „DŽEVKOMERC INŽENJERING“ d.o.o. ZAVIDOVIĆI nije dostavio kopije dokumenata iz tačke 5.1.3. TD, što je jasno i nedvosmisleno zahtjevano u tački 5.1.2. TD gdje je navedeno: „5.1.2. U svrhu dokaza o ispunjavanju uslova utvrđenih u tački 5.1.1. TD ponuđači su dužni u ponudi dostaviti Izjavu o ispunjenosti uslova iz člana 45. Zakona, ovjerenu kod nadležnog organa (organ uprave – općina, sud ili notar) da se na njih ne odnose slučajevi definisani tačkom 5.1.1. pod a) - d) TD. Izjava se dostavlja u formi utvrđenoj Aneksom 4 TD. Uz ovu izjavu ponuđači dostavljaju i obične kopije dokumenata iz tačke 5.1.3. TD“;

- da u tački 6.2.1. TD je navedeno da „Ponuda treba sadržavati sljedeće elemente (dokumente) pod e.1) Izjava o ispunjavanju uslova iz člana 45. Zakona i obične kopije dokumenata, kako je traženo tačkom 5.1.3. TD (Aneks 4 TD);

- da je u zapisniku o ocijeni ponuda broj: 02-11-2262/25-AP-3 od 24.12.2025. godine, na strani broj 2, gdje se navode dokumenti sadržani u ponudi ponuđača „DŽEVKOMERC INŽENJERING“ d.o.o. ZAVIDOVIĆI, pod stavkom e) Pored navedene izjave iz člana 45. stav (1) tačka od a) do d) ZJN, u nastavku je navedeno da „obične kopije“ i nastavku nisu nabrojne dostavljane kopije, dok je kod ostalih ponuđača nevedeno svako dostavljeno uvjerenje sa brojem i datumom izdavanja.

U tački II žalbe se navodi: - da je u tački 5.3.2. pod b) kao i u tački 6.2.1. pod e.3) Tenderske dokumentacije je jasno nedvosmisleno zahtijevano da ponuđači doistave Izjavu o ukupnom prometu ponuđača ostvarenom u segmentu poslovanja koji je predmet ovog ugovora (radovi na izgradnji ili rekonstrukciji hidrograđevinskih/hidrotehničkih objekata) u posljednje 3 (tri) godine, što ponuđač „DŽEVKOMERC INŽENJERING“ d.o.o. ZAVIDOVIĆI nije učinio;

- da u zapisniku o ocijeni ponuda broj: 02-11-2262/25-AP-3 od 24.12.2025. godine, na strani broj 3, u stavci s) navedenog zapisnika stoji da je dostavljena „Izjava o ukupnom prometu ponuđača u posljednje tri finansijske godine“ od 13.11.2025. godine koja nije priložena uz ponudu, niti je navedena u priloženom sadržaju ponude ponuđača „DŽEVKOMERC INŽENJERING“ d.o.o. ZAVIDOVIĆI na stranici broj 2.

U tački se navodi III da je Ugovorni organ svojom Odukom prekršio član 68. Zakona o javnim nabavkama gdje je u stavu 1. propisano: „Ugovorni organ odbacuje zahtjev za učešće ili ponudu ako kandidat/ponuđač nije dostavio tražene dokaze ili jer dostavio nepotpune dokaze ili je lažno predstavio informacije koje su dokaz ispunjavanja uslova iz člana 45 do 51. Zakona.“.

U završnom dijelu obrazloženja Žalbe, žalitelj ističe da ugovorni organ u skladu s, podzakonskim aktima uvaži žalbu u cijelosti kao osnovanu ili da ako se ne usvoji žalaba, ista dostavi Uredu za razmatranje žalbi BiH. Također se traži pokretanje postupka povrata uplaćene naknade za pokretanje žalbenog postupka shodno članu 5 (a u vezi izmjene člana 108. stav (7) Zakona o izmjenama i dopunama Zakona o javnim nabavkama BiH (Sl. glasnik BiH, broj 50/24).

U skladu sa članom 30. Pravilnika o internim procedurama u postupku javnih nabavki roba, usluga i radova i direktnom sporazumu („Službeni glasnik Grada Zavidovići“, broj: 4/22 i 6/23), nakon prijema žalbe, traženo je izjašnjenje Komisije za javne nabavke Grada Zavidovića.

Utvrđeno je da je žalba je blagovremena, dopuštena, uredna i izjavljena od ovlaštenih lica i lica koje ima aktivnu legitimaciju.

Žalba je osnovana.

Odlučujući o uloženoj žalbi Ugovorni organ je utvrdio da je u toku postupka javne nabavke „Izvođenje radova na vodosnadbijevanju prostorne cjeline MZ Pašin Konak-Hajderovići faza I, sa vezom na gradski vodovod Zavidovići-potisni vod V4 i dio gravitacionog voda V-5 sa dijelom sekundarne mreže duž vodova“, došlo je do pogrešne ocjene prijave ponuđača „DŽEVKOMERC INŽENJERING“ d.o.o. ZAVIDOVIĆI, na način da je ista pogrešno ocijenjena od strane Komisije za javne nabavke.

Prilikom ocjene prijave ponuđača „DŽEVKOMERC INŽENJERING“ d.o.o. ZAVIDOVIĆI, Komisija je pogrešno ocijenila prijavu, tako što je u zapisniku o ocjeni ponuda broj: 02-11-2262/25-AP-3 od 24.12.2025. godine konstatovala da je ponuđač „DŽEVKOMERC INŽENJERING“ d.o.o. ZAVIDOVIĆI uz izjavu o ispunjenosti uslova iz člana 45. Zakona dostavio i obične kopije dokumenata tražene tačkom 5.1.3. Tenderske dokumentacije, a što nije

tačno, jer uz ponudu ponuđač nije dostavio kopije dokumenata tražene tačkom 5.1.3.TD. Pored navedenog u zapisniku je takođe konstatovano da je „DŽEVKOMERC INŽENJERING“ d.o.o. ZAVIDOVIĆI dostavio i izjavu o ukupnom prometu ponuđača u predhodne tri finansijske godine od 13.11.2025.godine, ovjerena pečatom ponuđača, a što nije tačno, jer uz ponudu ista nije priložena. Iz čega proizilazi da je Komisija pogrešno izvela i zaključak da je prijava ponuđača „DŽEVKOMERC INŽENJERING“ d.o.o. ZAVIDOVIĆI, formalno ispravna i tehnički zadovoljavajuća.

Članom 57. stav (1) Zakona propisano je da su ponuđači dužni da se pridržavaju uslova i zahtjeva iz tenderske dokumentacije, a članom 68. stav (1) i (4) i Zakona propisano je da ugovorni organ odbacuje ponudu ako ponuda nije potpuna i ne ispunjava zahtjeve iz tenderske dokumentacije.

Prema navedenom činjeničnom i pravnom stanju stvari, u žalbenom postupku je utvrđeno da su žalbeni navodi iz tačke I., II i III Žalbe GP „HELDOVAC“ d.o.o. ŽEPČE, osnovani i da je prilikom provođenja procedure ocjene ponuda učinjena pogreška koje je dalje utjecala na tok postupka i iz koje je proisteklo donošenje odluke koje nije u skladu sa Zakonom o javnim nabavkama.

Na osnovu člana 9. stav 5. i 6. Pravilnika o uslovima i načinu korištenja E-aukcija („Službeni glasnik BiH“, broj: 80/23) Ugovorni organ će poništiti i ponovo zakazati e-Aukciju.

Usvajanje žalbe koja se odnosi na kvalifikaciju ponuđača koji su učestvovali u e-aukciji, znači da ugovorni organ donesenu odluku o izboru stavlja van snage i vraća postupak nabavke u fazu ponovne evaluaciju i ocjene ponuda, pri čemu se poništava i postupak e-aukcije, kao međufaza između evaluacije ponuda i izbora najpovoljnijeg ponuđača.

Što se tiče navoda u pogledu povrata uplaćene naknade za pokretanje žalbenog postupka, Ugovorni organ će u skladu sa odredbama člana 108. stav 7. Zakona u roku od sedam dana od dana donošenja ovog Rješenja, dostaviti URŽ-u dokumentaciju radi pokretanja postupka povrata naknade za pokretanje žalbenog postupka.

Na osnovu izloženog, a u skladu sa članom 100. stav 3. Zakona o javnim nabavkama odlučeno je kao u dispozitivu ovog Rješenja.

POUKA O PRAVNOM LIJEKU:


Protiv ovog Rješenja može se izjaviti žalba u roku od 10 (deset) dana od dana prijema. Žalba se izjavljuje ugovornom organu u pisanoj formi direktno, ili preporučenom poštom pošiljkom. Žalba se podnosi u najmanje tri primjerka.

Dostavljeno:

1. GP „HELDOVAC“ d.o.o.ZAVIDOVIĆI,
2. Učesnicima u postupku 2 x,
3. Komisiji za javne nabavke,
4. a/a,

Akt pripremila: 
(Sanela Mulahasanović)

Akt pregledao: 
(Midhat Bajramović)

Akti pregledao: 
(Nermin Čaharević)



GRADONAČELNICA
mr. iur. Erna Merdić Smailhodžić